

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

LXXV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

videamus, tùm perperiamur, tùm etiam ipsi perpetremus. Felices igitur verè, vereque beati, in DOMINO vitam qui posuere suam. Non hic vera quies, non gaudia vera parantur, Gaudia venturæ sola relicta scholæ. A Philippo proximis diebus literas, 6. Junii datas accepi, ex quibus, ei benè esse, omniaque in illius oppidi Ecclesiæ & Scholæ vigere & florere intelligo. Utinam verò in vestræ Academiæ & Ecclesiæ luce potius, quàm in Alpium Carinthiarum latebris, ingenium illius conspiceretur, & fructum Ecclesiæ DEI ac piis studiis ampliorem ferret. Quis D. Lorcheri Scholarcha isthic successerit, doceri cupio. L. Beutherum alium esse, quàm se futurum ostendit, doleo, & DEUM, ut nos doceat & gubernet oro. Benè vale, 12. Novembris, qui est natalis Academiæ nostræ, anno 1719. primùm in hanc urbem introductæ.

David Chytræus.

## LXXV.

*Salutem in Domino, & felix anni hujus auspiciū atque curriculum. Reverende atque doctissime Domine Doctor, amice & in Christo frater dilectè.*

QUOD major est rabies Sathanæ & organorum ejus, atque minor copia rectè sentientium & docentium, eo magis dolenda videretur Ecclesiæ & Academiæ nostræ fors adversa, qua paucarum septimanarum intervallo duobus præstantissimis Theologis orbata est. Quia verò eorum, qui adhuc sunt superstites, fides requirit, ut de aliis idoneis & fidelibus Doctoribus circumspiciant; hætenus, ut debuimus, DEUM seriò invocavimus, ut ipse nobis orthodoxos & pacis amantes collegas largiatur, ac semen aliquod sanctum relinquat, ne sicut Sodoma & Gomorrahiam fiamus. Precibus subjunximus deliberationes serias & fideles, in quibus ex re Scholæ nostræ futurum deprehendimus, si te, vir clarissime, ad societatem operarum nostrarum Theologicarum unà cum aliis vocaremus. Etsi enim meritò dolemus vicem Academiæ Heidelbergensis, quæ vix dum à pientissimo Electore Ludovico, sanctissimæ recordationis, reformata, mox à factione Sacramentariorum rursus vastata est: nobis tamen quoque gratulamur, quod in eum temporis articulum hæc mutatio incidit, quo nos eruditorum virorum penuria premimur, quò eorum aliquos ad nos attrahere possimus. Illustrissimus quoque Saxonie Elector, illam Senatus nostræ Academiæ sententiam & judicium de te approbavit, illique in mandatis dedit, ut autoritate publica legitimè te (ad enarrationem Prophetarum) vocaret, id quod hac vice per litteras publicas à nobis fit. Rogamus igitur omnes publico, inprimis autem Ego privatim meo nomine, ne

Qq 99 2

hanc

hanc vocationem detrectes. Meritò te permovere debet, Clementissima Electoris nostri erga te voluntas, vota omnium Collegarum consentientia, loci celebritas, juvenum pietatem & bonas litteras discipulorum multitudo & copia, summa denique omnium de te concepta expectatio. Et nisi me animus meus fallat, ex proximis optimi fratris tui Dn. D. Erasmi litteris conjicere licuit, te si Heidelbergam cedendum esset, facile permoveri posse, ut ad nos te conferas, ac eapropter tanto ampliorem spem concipio fore, ut vocationi nostræ haud gravatim locum concedas. Ego meo loco amici & collegæ fidelis & constantis officia tibi promitto, atque à te vicissim expecto: de reliquorum quoque benevolentia ne in minimo quidem dubitare debes. Ac licet salarium satis sit tenue & mediocre, spes tamen est, Illustrissimum Electorem honesta accessione illud aucturum. Ipsius enim Celsit. posteaquam fidem & industriam suorum exploravit, liberalitate extraordinaria abundè recompensat id, quod ad tempus defuisse videtur. Quam munificentiam Ego quoque prædicare possum, atque eapropter tantò melius de futuro spero. Plura non addo, sed ea ad congressum nostrum, quem mihi ipse (favente Domino) certò persuasi, reservo. Rogo tamen, ut Reverendis viris, Dn. D. Pappo, & Dn. D. Erasmo fratri ex me salutem dicas, meaque ipsius officia commendes. Bene vale in Christo JESU, quem precor, ut universum hoc negotium ad sui nominis gloriam & Ecclesiæ ædificationem gubernet. Dabantur prid. Calend. Januarii, Anni 1585.

*I. ex animo*

*Studiose.*

Polycarpus Leiser, D.



LXXVI.

*Salutem à Filio DEI, Reverende & clarissime viri,  
Comptate honorande.*

**I**psè quoq; deploro vicem nostram, quod non liceat amplius ita suaviter & amice tectum vivere ac conferre, sicut Heidelbergæ ferme per quinquennium factum est. Orbatus enim sum fideli amico, in cujus sinum curas meas & ægri tudines effundere poteram. Sed ferendum est, quod mutari non potest. Non casu ira discreti sumus, sed certo consilio, & licet carni ingrata sit hæc dispersio, salutaris tamen est & erit Ecclesiæ; nullum enim malum Dominus permittit, unde non ingens aliquid bonum